

ԽԱՉԱԶԵՎ ԳՄԲԵԹԱՎՈՐ ԵՐԿՈՒ ԵԿԵՂԵՑԻՆԵՐ ԱՐՅԱԽ ՆԱՀԱՆԳՈՒՄ


Ս. Գ. ԿԱՐԱՊԵՏՅԱՆ

Խաչաձև զմբեթավոր եկեղեցիները հայ ճարտարապետության առավել հետաքրքրական ու կարևոր հուշարձաններից են: Այդ կարգի եկեղեցիների տարածված տեսակներից (քառախորան, եռախորան, միախորան) պահպանվել են նաև պատմական Հայաստանի Արցախ նահանգի տարածքում: Վերջինս ընդգրկում է Հայկական լեռնաշխարհի հյուսիս-արևելյան հատվածը: Իրենց կատարելությանը հասած եկեղեցիների նման օրինակներ հիմնականում կառուցվել ու մասամբ պահպանվել են Հայաստանի Այրարատ նահանգի Արագածոտն և Շիրակ գավառներում: Մտորև ներկայացվող երկու եկեղեցիներն էլ պատկանում են միախորան խաչաթև զմբեթավոր եկեղեցիների տեսակին, ինչպիսիք են, օրինակ, Շենիկի (VI դար), Կոշի (VII դարի առաջին կես), Արտաշավանի ու Կարմրավոր (VII դարի երկրորդ կես) եկեղեցիները և այլն: Ի տարբերություն թվարկածների, ներկայացվող երկու հուշարձանների՝ Խունիսավանքի և Պողոսագոմբեր գյուղի Ամենափրկիչ վանքի ուսումնասիրության ուղղությամբ մինչև հիմա որևէ աշխատանք չի կատարվել և այդ ոչ երկրորդական գործում սա առաջին փորձն է: Խունիսավանքի և Ամենափրկիչ վանքի վերաբերյալ պատմագրական տեղեկությունները սակավ են: Կան միայն անցյալ դարավերջին և մեր գարսկզբին հայ նշանավոր գիտնականներ Մակար Եպիսկոպոս Բարսուղարյանցի<sup>1</sup> և Երվանդ Լալայանցի<sup>2</sup> կողմից տրված հպանցիկ տեղեկությունները հուշարձանների տեղադրության ու պահպանվածության վիճակի մասին: Վերոհիշյալ աշխատություններում պարունակվող վավերանյութերը թեև աղբատիկ, բայց և կարևոր են որպես եղակի սկզբնաղբյուր:

Խունիսավանքը (նկ. 1, 3) գտնվում է պատմական Փառիսոսի թագավորության Գարդման գավառի տարածքում, Շամբոր գետի ձախ ափին, պղնձահանքով հարուստ Գետաբակ (Գետաբակա) բնակավայրից երկու կիլոմետր դեպի արևելք: Եկեղեցին սեղադրված է Շամբոր գետի հովիտը թեքված մի լեռնաճյուղի ջրբաժան գծի վրա, շրջապատված անտառապատ լեռներով: Գետաբակը, գտնվելով Հայաստանի կենտրոնական գավառներից Փառիսոսի լեռնանցքով Գանձակ տանող առևտրական գլխավոր ճանապարհներից մեկի վրա, X—XI դդ. բազմազան էր և բազմամարդ է դարձել: Այդ են վկայում այն բազմաթիվ հուշարձանները, որոնք կառուցվել են նշված տարածքում հենց այդ ժամանակաշրջանում՝ Փառիսոսի վանք՝ IX դար, Փառիսոս մայրաքաղաքի եկեղեցիներից մի քանիսը՝ X—XI դդ., Փառիսոսի հռչակավոր բերդը՝ IX—X դդ. և այլն: Թվարկված հուշարձանները ուսումնասիրելով ու համեմատելով՝ կարելի է եզրակացնել, որ Խունիսավանքը, որի կառուցողական արվեստը շատ նրման է վերահիշյալ եկեղեցիներին, կառուցվել է նույն ժամանակաշրջանում (X—XI դդ.), թեև առավել հնաոճ է: Բարեբախտաբար եկեղեցին կանգուն է և մեղ է հասել իր վրա չկոբելով հետագա դարերի վերանորոգման հետքեր: Այն ամբողջապես կառուցված է կուպտատաշ քարերով և զուրկ է ամեն տեսակ դարդաքանդակներից: Չեն պահպանվել նաև արձանագրություններ: Եկեղեցին ունի մեկ մուտք՝ արևմուտքից, ութանիստ թմբուկ շորս նեղ լուսամուտներով, զմբեթատակ քառակուսուց անցումը զմբեթարդին իրականացված է առագաստների միջոցով: Ի դեպ, կառուցողական այդ լուծումը նմանատիպ հուշարձաններում սկսում է հանդիպել դեռևս VII դարի երկրորդ կեսից (Դաշտա-

<sup>1</sup> Մ. Բարսուղարյանց. Արցախ. Բաքու, 1895, էջ 190, 314:

<sup>2</sup> Ե. Լալայան. Գանձակի գավառ. Թիֆլիս, 1899, էջ 139:



նկ. 1

ղեմի Քրիստափոր եկեղեցի և այլն): Եկեղեցին ներքուստ սվաղված է կրաշաղախով, որը գրեթե ամբողջությամբ պահպանվել է: Խուսիսավանքի շրջակայքում նկատվում են տնատեղերի ավերակներ, որոնց մեծ մասը այժմ ծածկված է խիտ անտառով:

Արցախի խաչեն գավառում, Տրտու (այժմ՝ Թարթառ) գետի աջ ափին, հինավուրց Դրմբոն, Կճողուտ, Ղաղարահող և Պողոսագոմեր գյուղերի արանքում է տարածված մի հրաշագեղ տափարակ, որը հյուսիսային և արևմտյան կողմերից ավարտվում է զահավեժ ժայռերով՝ ստեղծելով բնական անմատչելիություն: Տափարակի հյուսիսային ծայրին ցայսօր կանգուն է ներկայացվող հորինվածքն ունեցող մեկ այլ եկեղեցի, որ կոչվում է Ամենափրկիչ վանք (նկ. 12, 4): Այն կառուցված է կոփածո և սրբատաշ քարերով հիմնարկված մի լեռկացած միակտոր քարաժայռի վրա: Եկեղեցու արտաքին բոլոր անկյունաքայրերը իրականացված են սրբատաշ, իսկ բոլորածև գմբեթը և մնացած մասերը՝ անտաշ կամ կոփածո քարերով: Եկեղեցու ներսը ամբողջապես ծեփված է, որը,

ինչպես և Խոնիսավանքում, այստեղ ևս մասամբ քայքայված է: Ունի մեկ մուտք՝ առևմուտքից և մեկական ոչ մեծ լուսամուտներ (բացի հյուսիսային ճակատից): Բոլորածև թմբուկը, որի վեղարը լրիվ քանդված է ու թափված, ունի շոտ լուսամուտ, որոնցից արևելյանը, որը ամենից լավ պահպանվածն է, ավելի նեղ է և իրականացված է միակտոր քարից: Ի տարբերություն Խոնիսավանքի, Ամենափրկիչ վանքում պահպանվել են արձանագրություններ, իսկ շրջակայքում, եկեղեցուց արևելք, եղել է հնագույն գերեզմանոց, ուր կան մի քանի խաչքարեր և դրանց պատվանդանները: Այդ խաչքարերը պահելի է թվագրել XII—XIII դդ., ելնելով դրանց զարդամոտիվներից ու ոճից: Խաչքարերից մեկը (չափերը՝  $200 \times 78$ ) ստորին մասում ունի երեքտողանի արձանագրություն: Հինգստողանոց մեկ այլ արձանագրության պատասխիկ կա եկեղեցու ներսում ընկած ջարդված բեկորի վրա (չափերը՝  $32 \times 18$ ): Ինչ խոսք, վանքի ամենաարժեքավոր արձանագրությունը արևմտյան ճակատին, դռան ճակատակալ սրբառաջ կիսակլոր քարի վրա փորագրված ութտողանոց արձանագրությունն է<sup>3</sup>: Վերջինս չի քայքայվել և ընթեռնելի է գրեթե ամբողջությամբ, միայն գրության վերջին տողի վերջնամասը փշրված է. որտեղ հավանաբար եղել է թվականը: Այնուամենայնիվ, եկեղեցու կառուցման ժամանակաշրջանի վերաբերյալ ստույգ եզրակացություններ անելու համար կան բազմաթիվ տվյալներ. ինչպես, օրինակ, արձանագրության երկրորդ և երրորդ տողերում հիշատակված Հասանի որդի Վառտանգի անունը, որը մահացել է 1214 թ.: Եկեղեցու արևմտյան ճակատի հարավային կողմի պատի մեջ ագուցված է մի փոքր խաչքար, որը ևս անվրեպ XII—XIII դդ. գործ է և կերտվել է հենց եկեղեցու պատի մեջ տեղադրվելու նպատակով: Այս բոլոր հանգամանքները ուսումնասիրելով՝ Ամենափրկիչ վանքի կառուցման ժամանակաշրջանը պետք է համարել XII դարի վերջերից մինչև 1214 թվականն ընկած ժամանակահատվածը, թեև եկեղեցու ճարտարապետությունն իր մեջ ունի ավելի հնաոճ տարրեր: Ինչևիցե, Ամենափրկիչ իր հորինվածքով ամենաուշ նմուշներից է, որ Հայաստանի ծալքամաս Արցախի համար թվում է բնականոն<sup>4</sup>:

Արցախ նահանգի տարածքում հայ ճարտարապետության բազմաթիվ հուշարձաններ կան, որոնք դեռևս ըիչ են ուսումնասիրված: Ամենևին չի բացառվում, որ կարող են հայտնվել ներկայացվող տեսակի այլ նմուշներ, որոնց ուսումնասիրության շնորհիվ էլ ավելի կլայնանա պատկերացումը այն երկրամասի ճարտարապետության մասին, որը դարեր շարունակ տնտեսական և մանավանդ մշակութային սերտ կապերի մեջ է եղել Հայաստանի կենտրոնական գավառների ու քաղաքների հետ:

## ДВЕ КРЕСТОВОКУПОЛЬНЫЕ ЦЕРКВИ В ОБЛАСТИ АРЦАХ

С. Г. КАРАПЕТЯН

(Резюме)

Крестовокупольные церкви были распространены в центральной Армении, в районах Арагацотн и Ширак Айраратской области. Церкви этого типа встречаются (правда, редко) также в Арцахе, восточной области исторической Армении. В арцахских районах Гардман и Хачен сохранились памятники, относящиеся к одноапсидному варианту крестовокупольного типа,—Хунисаванк и церковь Аменапркич. Анализ архитектурных форм и надписей показывает, что эти церкви были построены в X—XIII вв., хотя однопси́дные сооружения в центральных районах исторической Армении возводились еще в VI в. Представляется необходимым дальнейшее изучение обеих церквей, тем более что арцахская архитектура до сих пор недостаточно изучена.

<sup>3</sup> Ս. Բարխուդրյան. Դիվան հայ վիմագրության. պրակ 5, Երևան, 1982, էջ 31—32:

<sup>4</sup> Հուշարձանների չափագրությունները կատարել են Վ. Զարյանը, Ա. Քերոբյանը, Ս. Կարապետյանը: